

適園叢書

張宗祥



通國書

張氏



廣

山

二

元

季

季

貝

貝

序

廣元遺山年譜者吾友李君恢垣之所作也何以謂之廣翁
覃谿氏先爲此譜李君曰吾廣之云爾遜辭也李君又告余
曰吾書異於翁氏書者詳攷地理爾余謂此李君書所以善
也夫讀遺山詩文辭章之學也爲之年譜則史學也史學豈
可不明地理哉李君明地理故於元兵伐金所至之地瞭如
指掌由是遺山奔走流寓之地皆瞭如指掌而凡遺山之詩
文皆可因其地而知其時遺山詩千三百六十一首李君攷
得時地者千二百七十九首其不可知者八十二首而已李
君生於遺山五百餘年後而於遺山一生所作幾盡知其年
月遺山有靈亦當爲之驚且喜者矣翁氏於史學地理實非

廣文選目全書

自序

廣者何廣翁覃谿閣學元遺山年譜而作也先生以幽并雄才際金源阨運瀾翻溟渤氣挾風雲虞揭藉其先聲蘇黃資其後勁讀其詩者烏可無譜獨是交城初刻未揆麟經北平再編仍留鼠璞遂使廬山真面薶沒雲煙爲可惜也閒嘗取先生文集讀之見其流移所寓道里所經以月繫年以人繫地始知先生年譜自作已竟而謠謠慷慨唱吟遙俯卽境見心標旨斯在爰乃以文爲經以詩爲緯攷之輿圖以求其蹤跡博之史集以證其交游郭公夏五疑則必刊亥豕魯魚謬惟是正凡編入者千二百餘篇外存者八十有二首而後先生行止有可覩焉蓋嘗論之髫冠學詩編搜未廣自丙子避

兵閒關南渡契闊鋒鏑之會崎嶇播越之辰寄八口則鵲借
誰依求一官則烏風屢逆於是營田昆水干祿梁園悲零落
於爨琴歎蘊隆而輟耒茫茫大地子子孤身馮雷把袂閒賦
於登高揚趙懷恩終傷於感士此崧山之詩爲一境也曲水
登科蓮壺待詔辭京華之苜蓿趨幕府之芙蓉內鄉就官南
陽理劇折腰有陶潛之興傷肌深元結之思鳴求鶴和則契
重苔岑哀聽鴻噉又心驚芻牧未免懷慚狃特辛苦酒漿三
仕三已微愠於子又一官一集待編於元禮此鄧州之詩爲
一境也郎署旣遷絲綸是掌鯢鵬擊水虎豹在關遂乃弩集
金門塵飛玉輦曹社之鬼謀先兆秦庭之士哭無聞旣狼狽
於圍城復倉皇於喋血僂俛而從西帥縛束而就南冠陸機

入洛故國寧論孝穆留齊生還莫必聊城二載冠氏四年河
山生玉馬之悲荆棘隕銅駝之位感今追昔跼地踏天此則
庾蘭成之去國絕望江南王仲宣之登樓傷心荆楚集中之
作斯爲最焉此東州之詩又一境也已亥還鄉幸完家室託
遺編於腐史蔚重望於靈光守先人讀書之廬作諸侯高座
之客大抵流連觴榼奔走風塵酬應之作既多哀感之音遂
尠詩窮後工靡援斯例此回斫之詩又一境也綜茲數變足
概平生會而悟之貫而通之若網在綱有條不紊矣昔放翁
論譜斂袂蘇詩興祖編年遺珠韓集傳以何人敢希斯業顧
以先生自紀之年編先生已成之作事半功倍較易古人是
役也始參翁譜復得施箋美乃兼收疑仍其訂非抗前賢以

爭勝俾知作者之有真尙有崇山墜簡俟諸李善之箋惟期
雌蜺連蜷不誤休文之賦後之讀先生集者得有所攷云爾
同治五年三月番禺李光廷序

廣元遺山年譜卷上

番禺李光廷恢垣編次

金章宗明昌元年庚戌

月日生

元郝經

名伯常陵川人先生弟子

所作墓碣先生諱好問字

裕之太原秀容人系出拓跋魏故姓元氏

鄉郡雜詩注余家自五代而後

自汝州遷平定宋末又自平定遷於忻州故文字中以平定為鄉郡翁譜宋末謂靖康也按集中多稱新興元某記則新興即其邑名曾大父椿忠顯校尉隰州團練使大父滋善儒

林郎銅山府君父格顯武將軍鳳翔路第九處正將兼行

隴城縣令騎都尉河南縣開國男食邑三百戶妣河南縣

太君張氏

南冠錄引予始生之七月出繼隴城府君

靜樂詩鈔遺山詩後世系略銅山府君生三子長德明別

號東岩嘗讀書東山福田之精舍

翁譜繫舟山在今忻州南三十里趙秉文詩山

頭佛屋兩三閒山勢相連石嶺關名字不經從我改便稱元子讀書山即集中所稱也

累舉不第以

詩酒自適先生貴後贈中順大夫此所謂東岩府君也次

格官陵川令

按隴城先任掖縣次官冀州次調中都次任陵川次官洛陽次官隴城此之所稱特其一

耳以遺山貴贈明威將軍此所謂隴城府君也李升字德

清以兄蔭補承奉班無子

承奉河南元公墓銘以從孫好謙之子擥奉其後按此語不亮

當云姪好謙之子擥以從孫奉其後乃合

德明生三子長好古字敏之沒於貞

祐二年元兵屠城之禍次好謙字益之次即先生出繼隴

城府君

以上皆據翁譜

為第四女配堦祭廟文云敢告於顯伯

考贈中順大夫東岩府君顯伯妣河南郡太君王氏顯考

廣威隴城府君顯妣河南縣太君張氏按王氏先生之本

生母卽敏之兄墓銘所稱太夫人年在喜懼者也後不從
先生沒不知其處當從益之張氏先生之繼母卽故物譜
所稱貞祐丙子之兵余將奉先夫人南渡者也後卒於內
鄉歸葬於新興 又按先生之親屬曰姪搏者益之之子
出繼承奉君北渡後相失回鄉後依先生曰姪一飛者當
是敏之之子北渡後一得安信後不知其處曰姪孫伯安
者不知何人之孫則從先生至南冠錄引所云付文嚴以
備遺忘應是字訛否則文嚴不知何人又有小功兄寂然
時爲黃冠亦見集中 南冠錄引先祖銅山府君正隆二
年贈出身正大之末吾家食先朝祿七十餘年矣

二年辛亥

二歲

三年壬子

三歲

四年癸丑

四歲 南冠錄引予自四歲讀書

五年甲寅

五歲 濟南行記予兒時從先隴城府君官掖縣嘗過濟

南按乙未濟南詩云四十二年彈指過逆溯當在是年

六年乙亥

六歲

承安元年丙辰

七歲 古意詩七歲入小學 郝碣云七歲能詩太原王

揚臣稱為神童

三年丁巳

八歲 南冠錄引八歲學作詩

三年戊午

九歲

四年己未

十歲

五年庚申

十一歲

郝碣從父官於冀州路宣叔

名鐸冀州人官翰林侍制金史有傳

賞其俊爽教之為文

泰和元年辛酉

十二歲 是年隴城調官中都

二年壬戌

十三歲

是年趙秉文遷翰林院修撰

翁譜○秉文字周臣號開開磁州潞

陽人登大定二十五年進士第金史有傳

十月十日翰林修撰王庭筠卒

翁譜

○庭筠字子端蓋州熊岳人買田隆慮自號黃華山人金史文藝傳

按此并未識面無容書

其卒然先生游黃華詩云黃花山水天下絕我初聞之雪

溪翁卽其人也先生於癸丑爲作墓碑姑附仕履以備考

三年癸亥

十四歲

郝先生墓銘云泰和初先人調官中都某甫成

童習舉業思所以引而致之者謀諸親舊皆曰獲澤風土

完厚爲子求師莫此爲宜於是先人乃就陵川之選時鄉

先生郝君

名天挺字晉卿見金史隱逸傳

方教授縣庠某從之學又中州

集郝天挺小傳云好問十四歲先人令陵川時從之學

是年在陵川自後始有行蹤可記

四年甲子

十五歲通真子墓碣先君令陵川予甫成童續夷堅

志先人宰陵川泰和甲子元夕縣學燒鐙有以杏棣棠折

枝爲翦綵花者鐙罷家人乞供於縣署佛屋中四月上七

先夫人焚誦次乃見杏棠皆作花真贗相間先人會賓示

之以爲文字之祥爲賦瑞花詩予年十五矣

翁譜

張彥寶

陵川西溪圖詩云不到西溪四十年注陵川先君舊治宴

游西溪僕以童子侍焉詩作於癸丑逆朔在是年 是年

在陵川

五年乙丑

十六歲 父東岩府君卒按中州集兄敏之小傳諱好古

年二十就科舉時先東岩府君已捐館太夫人年在喜懼

望其立門戶甚切云云則東岩之歿當在是年

翁譜○按金史文藝

傳東岩卒時年四十九

赴試并州道逢捕雁者云今日獲一雁殺

之矣其脫網者悲鳴不能去竟自投於地予因買得葬於

汾水之上累石爲誌名曰雁工作雁工詞

翁譜未注所出

是年

赴試并州仍回陵川

六年丙寅

是年蒙古鐵木眞卽皇帝位上尊號曰成吉思皇帝是爲太祖元年